

Դարձեալ նոյն տարին Յովհաննէս պտրք. շինել տուած է Չամբաղը 45 սենեակներով ուր է այժմ ժառ. վարժ.ի. ննջարանը թանգարանը, սերտարանը և տեսչարանը. նոյն թաղի դրան ճակատի վրայ կը գտնուի հետեւեալ յիշատակարանը.

«Սատարութեամբ Աստուծոյ աւարտեցաւ հիմնադրուոյց գեղաշէն Չամբլ թաղս. ազգասէր Չանիւք Տ. Տ. Յովհաննու Սըրբազան պատրիարքի Զմիւռնիացւոյ. աջակցութեամբ խորհրդախան ս. եղբարց, ի պարծանս լրութեան ազգիս 1853 ի վերջ Մայիսի»:

Այս շէնքերէն զատ Յովհաննէս պտրք. 1857 ին շինել տուած է նաև գմբէթ մը և ճարտարագետական վայելուչ արուեստիւ Չամ թաղին արևելեան կողմը ձևաւարև կոչուած խաչածե ժառ. վարժ.ը որ ունի գմբէթ մը և ընդարձակ չորս սենեակներ: Սոյն շէնքին ճակատը դրուած է հետեւեալ յիշատակարանը. «Կանգնեցաւ այս հոյակապ տաճարս իմաստութեան բազմաջան աշխատութեամբ Տ. Յովհաննու ազգասէր պտրքի. Զմիւռնիացւոյ ի փառս միոյն Աստուծոյ և պարծանս համօրէն ազգիս. ի թվ. հայոց ՌՅԶ (=1857)»: Յովհաննէս պտրք. գնած է նաև ուրիշ կալուածներ և գետիններ, որոնց գլխաւորն է Երուսաղէմի արևմտեան դուռնէն դուրս Եաֆայի պողոտային և Մամլիլահի փողոցին մէջ տեղի ընդարձակ գետինը՝ որուն վրայ շինուեցան յետոյ Վեհաշենի և Աղեղախի մեծ հիւրանոցները և ուրիշներ. ինչպէս նաև Փիլիպպոս Առաքելոյն անուամբ կոչուած գետինը: Կը վախճանի 1860ին և կը թաղուի Ս. Փրկչի վանքը, հանգուցեալ պատրիարքներու շարքին մէջ. իր տապանագիրն է հետեւեալը.

«Այս է տապան հանգստեան Տ. Յովհաննու Ս. Արքեպիսկոպոսի Զմիւռնիացւոյ և բազմարդիւն պատրիարքի Ս. Աթոռոյս որ վարեալ զիշխանութիւնն զամս տամս հանգեաւ ի Տէրյամի 1860 ի 23ն Դեկտեմբերի»:

ՅՈՎՀԱՆՆԷՍ ՊԿ. ԶՄԻՒՌՆԻԱՅԻ. — Փոխանորդ Աւետիք պտրքի. Պոլսի մէջ (1702—3). Աթոռակալ Աւետիք պտրք.ի Ս. Յակոբի վանքին մէջ (1704—6). 1706 Դեկտ. 20ին Կ. Պոլսէն՝ 449 անձեր խնդրագրիով մը կը դիմեն Աղեքսանդր Զուղայեցի կթղ.ին՝ հաղորդելով ստոյգ տեղեկութիւններ կրօնական խնդիրներու վրայ. և Աւետիք պտրք.ի մասին կը